

# ԱԿԱՆՁԴ ԲԵՐ՝ ԱՍԵՄ...

ՀԱՄՈ ՍԱՀՅԱՆ  
(1914–1993)

## ԱՄՊՐՈՊԻՑ ՀԵՏՈ

Անպրոպից հետո  
Երկինքն ավելի կապույտ է լինում,  
Խոտերն ավելի կանաչ են լինում  
Անպրոպից հետո:  
Անպրոպից հետո  
Ճերմակ շուշանը ավելի ճերմակ,  
Կակաչն ավելի կարմիր է լինում,  
Եվ մեղրածաղիկը՝ ավելի դեղին:  
Անպրոպից հետո  
Սարերն ավելի բարձր են երևում,  
Խոր են երևում ձորերն ավելի,  
Եվ տափաստանները՝ ավելի արձակ:  
Ծառերն ավելի խոնարհ են լինում  
Անպրոպից հետո,  
Եվ հավքերը մեր գլխավերևում  
Իրար կանչում են ավելի սրտով:  
Անպրոպից հետո  
Բարի է լինում արևն ավելի,  
Եվ մենք ավելի սիրով ենք իրար  
Բարի լույս ասում:  
Անպրոպից հետո աշխարհը և դու  
Հասկանալի եք լինում ավելի...



## Բառային աշխատանք

1. Ո՞ր բառերն ու բառակապակցություններն են կրկնվում: Ի՞նչ նպատակով է հեղինակը դիմում կրկնությանը:
2. Տեքստից դժուր գրիր գույն նշանակող բառերը և դրանցով նախադասություններ կազմիր:
3. Դժուր գրիր բառերը՝ ըստ աղյուսակի սյունակների:

Գույներ	Ծաղիկներ	Թռչուններ	Բնության երևույթներ

4. Շուշան–շուշան, Խոնարհ–խոնարհ բառազույգերով նախադասություններ կազմիր: Նշիր՝ ուղի՞ղ, թե՞ փոխաբերական իմաստով են գործածվել բանաստեղծության մեջ:
5. Կազմիր *ծաղիկ* բաղադրիչով բառեր:
6. Բառարանի օգնությամբ բացատրիր *հավք*, *խոնարհ*, *տրախապրան* բառերի իմաստը:



## Տեքստային աշխատանք

1. Ի՞նչ թեմայով է գրված բանաստեղծությունը: Մեկնաբանիր:
2. Արձակ շարադրանքով վերարտադրիր բանաստեղծությունը:
3. Թվարկիր այն բոլոր «հերոսներին», որոնք մասնակցում են բանաստեղծական պատկերի ստեղծմանը:
4. Պատմիր ամպրոպի մասին՝ ըստ բանաստեղծական պատկերի:
5. Յուրաքանչյուր չորս տողի համար համապատասխան վերնագիր մտածիր:
6. Բանաստեղծության միջից դժուր գրիր «հերոսներին» իրենց բնութագրող բառերի հետ, օրինակ՝ կապույտ երկինք, ձերմակ շուշան, և ստեղծիր հերոսների պատկերասրահ:
7. Ո՞ր տողերում է խտացված հեղինակի հիմնական ասելիքը՝

ստեղծագործության հիմնական գաղափարը:

8. Բանաստեղծությունից դ՛ուրս գրիր քեզ դուր եկած պատկերը և ներկայացրո՛ւ քո դիրքորոշումը:
9. Ո՞րն է այս բանաստեղծության փոխաբերական իմաստը: Հիմնավորի՛ր:
10. Նկարի՛ր բանաստեղծության քեզ դուր եկած հատվածը:
11. Ընտրի՛ր երաժշտություն, որը համապատասխանում է բանաստեղծության բովանդակությանը: Հիմնավորի՛ր ընտրությունդ: